



*Minggu, 24 Maret 2024*  
**Ogen: Masmur 97:10**



**TUHAN Engkawali Kalak Si Setia**



**A**di ateta erbuah ras ernanam situhu-tuhu ras banci mpermuliaken Tuhan, maka arus lit biak geluh siitadingken kita, eme kejahatan. Kai kejahatan i lebe-lebe Dibata simantadingenken e? Eme keleng ate nandangi doni, duit, erta ras kerangapen. Si tadingken perayakenna kerna si e dinggen siayakilah si tuhu-tuhu eme keleng ate man Tuhan. Erkeleng ate man Dibata eme sada proses si nggedang, sebab kai siikelengi kita ije me ukurta. Kai siikelengi kita jadi focus geluh. Pusuh, gegeh, ukur ras tendinta pasti si suanken guna si e. Emaka labo banci kita focus adina lit je dua si jadi perayakenta. La banci kita jadi kalak setia adi kerina ateta man banta. Kita la banci ngayaki duana, erta doni ras erta surga. Banci kita enda desken ngayaki labang dua, piahna sada pe la sidat, tapi enggo mbue kal keruginta.

I bas Masmur 97 enda eme sada pujin man Tuhan dinggen pengajuk man kalak si erkeleng ate man Tuhan gelah mpermuliaken IA. Sebab Tuhan e me raja si setia. Kalak si malang man bana, keleng ateNa Tuhan, teridah arah kesetianna, ras komitmen nadingken si jahat. Kalak si setia e mengalami pengkawali Tuhan. *Jehovah Jireh* (Dibata si ncukupi keperluan).

Alu kiniteken maka Dibata si ncukupi keperluan ras ngkawali anakNa, kai nari kebiarenta gelah nggeluh setia? Buatlah sada kesempatan guna nginget-ninget perbahanen Dibata ras Ise IA dinggen kiniulinNa si nggo seh bas geluhta. Jenari bahanlah tekad selaku langkah awal nggeluh setia man Tuhan, maka asa ndigan pe la nggit kita nadingken kiniteken man baNA.